






ORANJESTAD (AAN) —Diabierna ultimo a tuma lugar e celebracion di Spantenbier di e expansion di kantoor D.O.W. na Oranjestad. E contratista Dijkhof a inicia na Maart ultimo y lo mester entrega e edificio na December di e aña aki. E promer piso lo ser ocupa pa "Bouw en Woning toezicht", mientras cu e parti ariba lo ta pa e departamento di Civiele Ontwerpen. E proyecto aki ta un inversion total di alrededor di 500.000 florin.



ORANJESTAD (AAN) — Señor Celsio Emers, instructor di karate na San Nicolas Sport Centrum a viaha ayera pa Texas pa atende un curso avansa. Texas Tea Kwondo and Karate Federation na Denton, Texas ta duna e curso durante seis siman. Promer cu e a bandona Aruba, señor Emers a ser desea exito cu su curso pa medio di director di IDEFRE, señor Roy van Putten y señor Bill Buckley. Na su regreso Señor Emers lo pone su conocimiento adquiri na disposicion di e desaroyo di e deporte di karate ariba nos isla.

ACUERDO DI PRINCIPIO HOLIDAY INN CASINO

ORANJESTAD(AAN)—Un proposicion pa un solucion den e problema cu a surgi den Holiday Inn Casino a keda presenta ayera na e dos partidonan envolvi, esta gerencia di e casino y e sindicato FTA cu ta representa e trahadornan. Algun cambio a wordo introduci den e proposicion di Eddy Maduro, pero na final di e reunion di ayeratardi por a yega na e acuerdo di principio, cu awe mester wordo firma si e miembronan di FTA bay di acuerdo. Ta e intencion pa awenochi 8 or e reunion continua den presencia di Eddy Maduro.



DIARIO

DI ARUBA

Bo Matutino
Netamente Arubiano

DIAMARS 16 JULI 1985 AÑA 4, No. 1370

PARLAMENTO DI ARUBA TA VOTA PA CAMBIO DI STATUUT

ORANJESTAD(AAN)—Awetardi Parlamento di Aruba mester reuni pa vota encuanto e cambio di Statuut. Informantenan a bisa DIARIO cu aparentemente e asuntunan cu mester a keda regla promer cu e votacion por a tuma lugar, ya ta termina. Esey ta encera cu e reunion no ta tuma lugar mas dia 19 manera a wordo planea originalmente, pero awetardi.



Cu un evento cu a atrae alrededor di 300 joven, Elvis Tromp di Noord a presenta su mes como candidato di juventud na Noord pa Partido Democratico Arubano, PDA. Elvis Tromp, conoci como Eppy, ta emplea na Instituto di Cultura y Dia-domingo, despues di un speurtocht exitoso, a keda introduci pa Presidente di e Partido, Dr. Leonard Berlinski, como e candidato pa juventud di PDA.